



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginae
oraculis, & Sacr. ...

Monacellus, Franciscus

Venetiis, 1707

Licentiæ investiendi pecunias. Form. VI.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

6. Quando autem res Ecclesiae in aliam transmutatur, puta ex Calice vestito fit Crux, ex Silva inutili Olivetum ex Vineâ deferta Pratum, non exigitur Beneplacitum Apostolicum, nec Ordinarii: quia non est propriè alienatio, neque distractio, sed in rem magis utilem, & necessariam conversio, P. Felix Potest. Panorm. in exam. Eccl. num. 870. vers. pariter, ubi dat concordantes. Non sic in subrogatione Patrimonii Clericalis, quod alienari sine licentia Episcopi non potest, etiam si in locum ejus subrogetur Beneficium, Sacr. Congreg. Concilii 16. Aprilis 1622. lib. 24. pag. 231.

7. SOLICITI ESSE DEBEBUNT. Emptor ei Ecclesiae tenetur esse sollicitus de versione pretii, quando alienatio fit ex causa necessaria puta pro solvendo aere alieno: non autem quando venditio fit ex causa voluntaria propter Ecclesiae utilitatem, ut hic prout distinguit Rot. post Cenc. de Censibus decis. 293. num. 20. part. 15. recent. Gratian. disputat. 45. nu. 34. & 35. hic autem hoc onus ei injungitur Decreto Judicis, ut Ecclesiae utilitas non pereat, sed

secura permaneant, quia ut dixit Rot. in decis. 186. num. 9. part. 16. recent. emptor debet esse sollicitus de versione quoties contractus à jure prohibetur licet sit voluntarius, & fieri non potest sine licentia Superioris.

Licentiae investendi pecunias.

FORMULA VI.

SUMMARIUM.

- 1 Ecclesia acquirendo potest contrahere sine Beneplacito.
Episcopus prohibens ne pecunie locorum Piorum investiantur sine sua licentia, illam gratis concedere debet.
- 2 Officiales, & Administratores locorum Piorum possunt in casibus de jure non prohibitis contractus facere absque licentia Episcopi.
- 3 Episcopus statuere, seu disponere non potest contra jus commune.

V Iso praesenti libello, & attentis narratis, ac informationibus habitis super securitate investmenti, licentiam concedimus Oratori investendi pecunias Ecclesiae N. (sive Hospitalis, sive Confraternitatis) in summa scutorum.... in bonis in precibus supra expressis, & Instrumentum investmenti exponendi, cum obligationibus, & cautelis favore Ecclesiae solitis, & consuetis ac de jure debitis, & praesentem licentiam unà cum libello in nostra Cancellaria registrari, & gratis expediri mandamus. Datum &c.

N. Vic. Gener.

N. Cancellarius.

ADNOTATIONES.

1. ET GRATIS EXPEDIRI. De jure in contractibus, quorum vigore Ecclesia acquirit, Beneplacitum Apostolicum sive Ordinarii non exigitur Genu. prax. cap. 73. num. 8. Clarin. contrav. cap. 183. post num. 107. Nicol. Lucubr. civil. lib. 2. tit. 1. num. 21. versic. ad exponendum. Verum ad removendas fraudes, & collusiones, quae interdum

intercedunt in administratione bonorum, & pecuniarum locorum Piorum, solent Episcopi vel Edicto, vel Decreto Synodi providere, ne pecuniae investiantur sine ipsorum licentia: quod etiam hoc facere jure possint, gratis tamen illam concedere debent, ne videantur hoc sibi reservasse ad quæstum faciendum, prout ita fieri debere decretum fuit in Synodo Farfensi in tit. de bon. Eccles. non alien. & declaravit Sacr. Congregat. Concilii in Anal.

Amalpbiana 18. Junii 1699. in responsione ad Decimum confirmata auditis partibus 6. Februar. 1670.

2. Reservatio autem hujusmodi licentiarum fieri non debet ab Ordinariis sub pena nullitatis Contractus : quia cum Rectores, & Officiales Ecclesiarum, & locorum piorum, habeant liberam bonorum administrationem possunt in casibus à jure non prohibitis validè absque eorum licentia contrahere, ut probant auctoritates, & Decreta, quæ retuli tom. 1. tit. 5. annot. ad form. 15. n. 10. & seqq. præter supra allegatas.

3. Et proinde talis pena esset imposita contra dispositionem juris, adversus quam Episcopus statuiere non potest, cap. institutionis 25. quest. 2. cap. quod super his de major. & obed. & nullum produceret effectum Piafec. prax. Episc. par. 2. cap. 2. art. 2. de Stat. ab Episc. faciend. nu. 2. & seqq. Pac. Jord. lucubr. tom. 2. lib. 8. tit. 1. num. 49. Sicque contra inobedientes, & licentiam adhibere non curantes, aliis penis arbitrariis juxta facti, & contumaciæ speciem procedendum erit, prout dixi in loco mox supra citato.

Translationis Pensionis.

FORMULA VII.

SUMMARIUM.

- 1 Translatio Pensionis fieri potest coram Canonico Cathedralis.
- 2 Milites S. Petri, & omnes Cardinales possunt sine exhibitione Indulti transferre Pensiones coram Notario, & testibus.
- 3 Translatio Pensionis debet fieri in Clericum.
Qui clericatum obtinuit non legitime, non est capax translationis.
Clericus legitime promotus major septennio, est capax Pensionis.
- 4 Translatio Pensionis non fit in manus mortuas, neque sub conditione si transferens moriatur.
Translatarius nullo præcedente pacto potest permittere quod transferens potatur pensione.
- 5 Pensio reservata ab Episcopo, non

- potest in alium transferri.
Episcopus quando, & quomodo possit pensionem reservare offenditur.
- 6 Translatio Pensionis est valida, etiamsi non procedatur per viam extinctionionis, sed sufficit facultas transferendi coram persona in dignitate constituta.
 - 7 Transferens pensionem ultra medietatem, translatio non est nulla, sed remanet vitata in excessu.
Per translationem invalidam, non dicitur consumpta facultas transferendi.
 - 8 Facultas transferendi pensionem potest exerceri per procuratorem dummodo Translatarius sit persona certa.
 - 9 Qui habent facultatem transferendi Pensionem, potest illam transferre in suum filium illegitimum.
 - 10 Pensio potest reduci, & extingui absque Beneplacito Apostolico.
Pensio reducia, seu extincta, cum pacto, quod Pensionarius remaneat in suo pristino jure casu quo Titularis promissa non adimpleret, non potest reviviscere, nisi interveniat auctoritas Papæ.
Pensio data in titulum pro recipiendis ordinibus, vel alterius ministerii Spiritualis, non potest reduci, nec vendi sine Beneplacito.
 - 11 Pensionarius, qui habet Indultum retinendi Pensionem, etiamsi non incedat in habitu, & matrimonium contrahat, non censetur dispensatus ad militiam, ad quam si transeat amittit Pensionem.
 - 12 Pensionarius transferens per mutus, & signa nulliter agit, quando in Indulto præscribitur quod Translatarii debeant nominari.
 - 13 Translatarius pro termini Pensionis decursis, & non solutis, potest, agere contra successorem in Beneficio confesso de diligentius factis contra Antecessorem.
 - 14 Clericus Pensionarius, non gaudet privilegio fori nisi incedat in habitu, & tonsura.
 - 15 Pensio translata est eadem pensio cum prima, & transit in Translatarios cum eisdem privilegiis.

M 2 Coram